

Մ. ԱՅԵՂՅԱՆԻ ԱՆՎԱՆ ԳՐԱԿԱՆՈՒԹՅԱՆ ԻՆՍՏԻՏՈՒՏՈՒՄ

Մ. Արեղյանի անվան գրականության ինստիտուտը նախապատրաստվում է նշելու սովետական պետության ստեղծող Վ. Ի. Լենինի ծննդյան 100-ամյակը: Դեկտեմբերի 27-ին կայացած ինստիտուտի գիտական խորհրդի նիստը հաստատեց այդ միջոցառումների պլանը: Հրատարակության է պատրաստվում բանասիրական գիտությունների թեկնածու Զ. Ղուկասյանի «Կուսակցության լենինյան ուսմունքը և հայ գրականության մի քանի հարցեր» աշխատությունը:

ՀՍՍՀ ԳԱ հասարակական բաժանմունքը և ինստիտուտը նախատեսել են կազմակերպել գիտական նստաշրջան՝ նվիրված Վ. Ի. Լենինի կյանքին ու գործունեությանը, որտեղ պետք է կարգադրվեն մի շարք զեկուցումներ՝ Լենինի գիտական ժառանգության և գրականագիտական արդի պրոբլեմների փոխհարաբերության բազմաթիվ հարցերի մասին: Զեկուցումներով հանդես կգան բանասիրական գիտությունների դոկտորներ Ս. Սարինյանը՝ «Էն Տոլստոյին նվիրված Լենինի հոգևածների մեթոդոգիական նշանակությունը», Է. Ջրբաշյանը՝ «Արվեստի տեսության հարցերը Վ. Ի. Լենինի Վիլիսոփայական տեսարաններում», Ս. Աղաբաբյանը՝ «Անցյալի կուլտուրական ժառանգության զնահատման լենինյան շափանիշները», ՀՍՍՀ ԳԱ թղթակից-անդամ Ա. Ղանալանյանը՝ «Վ. Ի. Լենինը և հայ բանահյուսության մի քանի հարցեր», բանասիրական գիտությունների թեկնածուներ Ս. Դարոյանը՝ «Թուս վաթսուսականները Վ. Ի. Լենինի զնահատմամբ», Ս. Մանուկյանը՝ «Վ. Ի. Լենինը և հայ մարքսիստական գրաքննադատությունը» թեմաներով: Նստաշրջանում կկարգադրվի նաև «Վ. Ի. Լենինի կերպարը հայ գրականության մեջ» թեմայով զեկուցում:

ԴԻՍԵՐՏԱՑԻԱՅԻ ՊԱՇՏՊԱՆՈՒԹՅՈՒՆ

ԿԱՐԵՎՈՐ ՀԵՏԱԶՈՏՈՒԹՅՈՒՆ ՀԱՅ ԺՈՂՈՎՐԴԱԿԱՆ ԵՐԿՐԱԳՈՐԾՈՒԹՅԱՆ ՄԱՍԻՆ

1969 թ. հունվարի 14-ին Վրացական ՍՍՀ ԳԱ Ի. Ա. Ջալալիշվիլու անվան պատմության, հնագիտության և ազգագրության ինստիտուտի գիտական խորհրդում կայացավ ՀՍՍՀ ԳԱ հնագիտության և ազգագրության ինստիտուտի ավագ գիտաշխատող Վարդ Հարությունի Բոդյանի դոկտորական դիսերտացիայի պաշտպանությունը «Հայաստանի երկրագործական մշակույթը» թեմայով: Բազմավաստակ գիտնականի դիսերտացիոն աշխատությունը բարձր զնահատեցին նրա պաշտոնական ընդդիմախոսները՝ պատմական գիտությունների դոկտոր, ՎՍՍՀ ԳԱ թղթակից-անդամ Գ. Ս. Չիտայան, պատմական գիտությունների դոկտորներ Ա. Գ. Գալստյանը, Ա. Ս. Համբարյանը և պատմական գիտությունների թեկնածու Վ. Գ. Ջալալաձեն:

Ավելի քան երկու տասնամյակի քրտնաջան աշխատանքի արգասիք հանդիսացող այս ստվարածավալ աշխատությունը հիմնականում ներկայացնում է երկրագործության երկու սիստեմ՝ բրինձային երկրագործությունը, որն ընդգրկում է էնեոլիթյան ժամանակաշրջանից մինչև մեր օրերն հասած նյութերը և արորային երկրագործությունը, որը ներառում է բրոնզեդարյան ժամանակաշրջանից մինչև 20-րդ դարի առաջին կեսի տվյալները:

Աշխատությունը կից տրված է հայ ժողովրդական երկրագործական գործիքներն ու աշխատանքային պրոցեսները պատկերող երկհատոր ալբոմ:

Աշխատությունը գրված է հնագիտական, մատենագրական, տնտեսագիտական, արխիվային, թանգարանային և առավելապես պատմա-ազգագրական ու հեղինակի կողմից հավաքած ազգագրական դաշտային հարուստ նյութերի խորը վերլուծության հիման վրա:

Վ. Հ. Բոդյանի սույն աշխատությունը արժեքավոր ներդրում է հայագիտության և հատկապես հայ ազգագրական գիտության մեջ: Այդ մասին է վկայում մասնավորապես դիսերտանտի ընդդիմախոս, պրոֆեսոր Գ. Ս. Չիտայայի կարծիքը. «Վ. Հ. Բոդյանի գիտական գործունեությանը բնորոշ է գիտական պրպտումների նպատակասլացությունը, հետազոտության ձևերի մեծ բազմազանությունն ու ճշմարտությանը հասնելու բծախնդրությունը, գիտական բարձր պրոբլեմները լուծելու ասպարեզում՝ մեծ աշխատասիրությունն ու նախանձելի համոռությունը»:

ԼԵՎՈՆ ՊԵՏՐՈՍՅԱՆ